


# Ka Jingshaniah jong ki brieve ka pynwan dur ia u mawmer ba kongsan - Nitish Kumar



Ha ka synshar paidbah kaba heh bad kaba lah ban iakhun kum ka India, ka jingshaniah jong ki brieve ka long kaba eh ban ioh bad kham eh shuh shuh ban pynneh. Hynrei, wat hapdeng ka jingiaikhun sañi pyrthei kaba man ka por bad ka jingshah bishar bniha ha ki paidbah, u Narendra Modi u la ïai bteng ban ioh ia ka jingshaniah jong ki paidbah. Da kaba long u Myntri Rangbahduh ba la jied ban shakri slem tam jong ka India, u la ai ia ka nuksa kaba thymmai ha ka sain pyrthei synshar paidbah.

Watra ngi wan na ki bynta bapher bapher jong ka India, hynrei na nga bad u Myntri Rangbahduh ka ri u Modi ngi dei na ka pateng kaba la peit ia ka kam sain pyrthei na ka nongrim jong ka Emergency. Ngi la sakhi hi dalade ia ka jingshah thombor jong ka jinglailuid ha ka synshar paidbah bad ngi la iashim bynta ha ka jingiahih kaba ialeh ban pynneh ia ki. Na ka bynta kiba bun na ngi, kata ka jingialeh kam shyam la long tang ka jingjia ha ka sain pyrthei hynrei kadei ka jingshem kaba pynlong ia ngi ban sngewthuh ia ka jingim paidbah bad ki jinglong jong ka synshar paidbah.

Da ki phew snem, ka la don ka jingsngewthuh ba ki kam kiba ha khlieh duh ha ka ri ki long tang na ka bynta ki katto katne ngut kiba don hok ne kito kiba la kha ha ki longiing kiba donbor ha ka sañi hima sima. Ka jingiaid lynti jong u Myntri Rangbahduh u Modi ka la tyntuh ia kata ka jingmut. Da kaba kiew na ka jingsdang kaba rit ban bat ia ka kam ba la jied kaba ha khlieh duh ha ka ri, u la long ka tyllong jong ka jingai mynsiem ia ki million ngut ki samla jong ka ri, khamtam kito kiba na ki longiing kiba duk basuk.

Ka khana jong u ka pynskhem ia ka jingngeit ba ha ka synshar paidbah kaba khlain, ka jingkut jingmut, ka jingtrei shitom bad ka sap ka lah ban jop ia ki jingkhaglad kiba wan na ka jinglong jong ka longiing. Ha kata ka jingmut, kane u mawmer um dei tang ka jingjop shimet, hynrei kadei ruh ka jingpynskhem kaba khlain ia ka bor bad jinglailuid jong ka synshar paidbah jong ka ri India.

Kum u nongbud jong u Dr Ram Manohar Lohia, u

jong nga ha Bihar ba haba ki kynthei ki don ha ka bynta pdeng jong ki sienjam ban pynroi, ka imlang sahleng ka kiew stet. Kam long kaba phylla ba ia ki jingjop jong ka j i n g p y r s h a n g Jeevika jong ngi ha Bihar mynta la kren ha ka pyrthei baroh kawei.

Hadien ba nga la long u Myntri Rangbah la bun snem, nga tip ia ki jingeh kiba iadei bad ka jingpynthikna ia ka jingpoi jong ki jingmyntoi sha u nongioh jingmyntoi ba la thmu. Tang ki jingthmu babha kim pat biang. Ka jingpyntreikam kaba thikna ka long kaba kongsan. Nga la iohi ruh kumno ka jinglah ban pynkylla ia ki rai katkum ki polisi sha ki jingseisoh ka donkam ia ka jingpeit bniha man ka por, ki jingpynkylla, ka jingpynleit jingmut ia ka jingsynshar bad ka jingpyrkhat bniha.

Ka jinglong kaba kongsan jong ka jinglong nongialam jong u Myntri Rangbahduh u Modi ka long ka jingpynleit jingmut jong u ban pynthikna ba ka jingsynshar kan pynkylla sha ki jingmih kiba lah ban iohi na ka bynta ki nongshong shnong. La ka long ha ki skhim na ka bynta ka bha ka miat, ka jingkyntiew ia ki jingdon jingem ne ka jingpynpi ia ka jingshakri sha ki paidbah, u la pynleit jingmut beit ha ka jingtreikam kaba paka, kaba shai bad kaba don ka jingkitkhlieh. Lyngba ka jingpynndonkam ia ka teknoloji, ka jingphah pisa beit beit bad ki lad peit bniha kiba khlain, la pynuna shibun ia ka jingbym iahap hapdeng ka jingthaw bad jingpyntreikam ia ki polisi.

Katba ki jingmyntoi jong ka sorkar ki nang poi shuh shuh sha ki brieve bad da kaba duna ka jingmushlia, ka jingshaniah jong ki paidbah ha ki jaka treikam ka nang khlain. Ia kane ka jingshaniah la pynskhem shuh shuh da ka jingiatreilang bad jingiakren ba man ka por jong u Myntri Rangbahduh bad ki nongshong shnong, kaba iarap bankyntiew ia ka jingidei kaba kham khlain hapdeng ka sorkar bad ki paidbah.

Ka jingiaid lynti jong u Myntri Rangbah duh Modi

ha ka kam sañi pyrthei ka kynthup ia ka jinglong Myntri Rangbah ka Gujarat kaba slem bad kaba jop. Ha ka jingshisha, shen um sa dap 25 snem ka jingshakri kaba iaibteng kum u nongialam jong ka sorkar. Kane ka jingshem ha ka kyrdan jong ka jylla bad ka ri ka la ai ia u ia ka jingsngewthuh kaba jylliew shaphang ki jingdonkam jong ki jylla bad ka jingdonkam ban kyrshan ia ki. Ka jinglong Myntri Rangbahduh jong u ka la paw da ka jingangnud kaba khlain ha ka synshar paidbah kaba iatreilang.

Ha ka por ba nga long Myntri Rangbah, nga la mad dalade ia ka jingkyrshan jong u ia ka roi ka par jong ka Bihar, khlem da khein ia ki jinglong jingman ha ka sain pyrthei. Nga kwah khamtam ban kdw ia ka jingkyrshan kaba phylla kaba ka Bihar ka la ioh ha ka Mang Tyngka jong u snem 2024-25 bad 2025-26 kynthup ia ka jingseng ia ka Makhana Board bad ka jaka pynmih bording ha Bhagalpur, bad ka jingbei tyngka a na ka bynta ban iada na ki jingshleu um bad shibun ki projek pynroi.

U Myntri Rangbah duh Modi u burom bha ia ka kolshor bad ki riti dustar ba kyrpang jong ka Bihar. U la pyni ia ka pateng jong ka Bihar sha ka pyrthei da kaba ai sngewbha ia ki jingdro Makhana, Madhubani bad kiwei kiwei ki tiar na kane ka jylla sha ki riew pawkhamat jong ka pyrthei. Dei ruh u Myntri Rangbahduh Modi uba la pynthikna ba la pynkup burom Bharat Ratna ia u Jannayak Karpoori Thakur, ka jingdawa kaba la slem bha kaba khlem lah ban pynurlong da ki phew snem.

Ka Bihar ka la ioh jingmyntoi na ki katto katne ki projek ba iadei bad ki jingdon jingem kiba heh ha kine ki shiphew snem ba la leit noh. Haba ianujor bad ki shiphew snem shwa u snem 2014, ka jingkyrshan bad ka jingbei tyngka na ka sorkar pdeng ka la kiew bha. Ka jingtei ia ki jingkieng kiba kongsan ha kylleng ka wah Ganga, ka jingpynheh ia ki surok bah jong ka ri, ka jingkyntiew ia ki kad liengsuin bad ka jingkyntiew sted ia ki jingdon jingem ba iadei bad ki lynti rel ki la iarap ban kyntiew ia ka roi ka par jong ka Bihar.

# Kwah u MLA ka BJP ban pynrung noh ka sorkar pdeng ia ka ktien Khasi bad Garo ha ka Khyrnit ba Phra

Shillong, Jylliew 11 : U Myntri barim ka Sorkar bad nongialam ka BJP uba dei ruh u MLA ka Pynthor u Bah AL Hek u la dawa na ka Sorkar Pdeng ban ai noh ka jingithuh kat kum ka riti synshar jong ka ri India ia ka ktien Khasi bad Garo da kaba pynrung ia ki ha ka Khyrnit kaba Phra (Eighth Schedule), hadien ba ka sorkar Meghalaya ka la pynmih dang shen ia ka aiñ ruh ban iathuh ia kine ki ar tylli ki ktien kum ki ktien sorkar.

U Bah Hek u la ong ba ka Jylla ka la dep ban shim ia ka sienjam ba donkam bad kaba kongsan bad kaba sh mynta ka shong ha New Delhi.

“Ka jingpynrung ia ka ktien Khasi bad Garo, dang shen ngi la iohi ba ka sorkar MDA-II ka la dep mynjur ia ka ordinance kaba la



mynjur da u Lat ka Jylla ba kine ki artylli ki ktien kin long kum ki ktien sorkar. Ngi la leh ia kane ha ki por ba la dep ruh lyngba ka Ordinance” ong u Bah Hek.

U Bah Hek ula kdw ba watla baroh ar tylli ki ktien ki treikam kum ki Official Languages jong ka Jylla hynrei ka jingithuh ka dang dei tang hapoh ka Jylla

Meghalaya. “Mynshuwa ka jylla Meghalaya ka ithuh ia ka ktien Khasi bad ka Garo kum ki dei ki Associate Official Languages. Mynta ruh ka dei tang lyngba ka Ordinance tangba la ithuh ia ki kum ki Official Languages” u la bynrap. Une u nongialam ka BJP u la ong ba ka Party kan

pynbor ia ka Sorkar Pdeng ban pyndep ia kane ka kam. “Mynta kaba kongsan hangne ka long ba ngi hap ban kyrpad bad dawa ia ka Sorkar India ban pynrung ia ka ktien Khasi bad Garo ha ka Khyrnit kaba phra jong ka riti synshar ka ri India ban ioh ia ka jingithuh ba pura” ula ong.

Haba kylli shaphang ka bynta jong ka BJP, u Bah Hek u la ong ba ka jingdon nongmikhmat jong ka Party ha ka Sorkar MDA ka ai ia ka lynti ba beit beit ban tyrnruh ia kane ka jingdawa.

“Ka BJP ka don 2 ngut ki MLA, ha kaba uwei u dei u Myntri Sorkar bad ngi buidien ia kane ban pynthikna ba ka Sorkar India kan ithuh ia ka ktien Khasi bad Garo da kaba pynrung ha ka Khyrnit kaba phra jong ka riti synshar ka ri India” ula ong.

# Da ka jingthung dieng rakhe ia ka World Environment Day ka ophis DS&WC ha shnong Rangthong



Mawkyrwat, Jylliew 11 : Ka Ophis jong u Divisional Soil & Water Conservation Officer, Mawkyrwat Division, South West Khasi Hills District, ka la rakhe ia ka World Environment Day 2026 da kaba pynlong ia ka jingthung dieng bad ka Awareness Program ha Rangthong Community Hall halor ka phang “Inspired by Nature. For Climate. For Our Future.” kaba ban jur ia ka jingdonkam ban sumar ia ka mariang bad ban leh ia kiei kiei ki kam na ka bynta ka jingbha na ka bynta ka mei mariang.

Ka jingthmu jong kane ka sienjam ka long ban kyntiew ia ka jingpynneh pynsah ia ka mariang, ban pynbun ia ki jaka ba long jyrngam lyngba ka jingthung dieng, bad ban pynsngewthuh paidbah halor ka jingdonkam ban iada ia ki marpoh khyndew

bad ban iakhun pyrshah ia ki jingeh ba mih na ka jingkylla ka suifnbeng. Ha kane ka program la sakhi ia ka jingiaishimbynta shit rhem da ki nongshong shnong, ki khynnah skul, ki nonghikai bad ki ophis na ki tnad Forest bad Agriculture jong ka South West Khasi Hills District ha kaba u kongsan ha kane ka ngi u dei u Bah I. Lawrynniang, MCS, Block Development Officer ka Mawkyrwat C&RD Block.

U Bah J.J. Lakiang, Divisional Soil & Water Conservation Officer, South West Khasi Hills District, ula ai ka jingbatai paidbah lyngba ka PowerPoint halor ka phang “Spring Conservation and Rejuvenation Works”, da kaba ban jur ia ka jingdonkam ban iada bad pynbha biang ia ki tyllong um khnang ban pynskhem ia ka jingpyniaid ia ka mariang

kaba neh slem. Katba u Bah Polin Lyngdoh na ka Tnad Forest ruh ula kren ha kane ka jingialang bad batai halor ka jingdonkam jong ka jingpynneh pynsah ia ka mariang.

Ha kane ka program la pynbryngia ruh da ka jingrwai bad jingshad tynrai ba la pyni da ka Ri Maram Folk Academy, Mawlangwir.

Kum shi bynta jong ka jingrakhe la pynlong ruh ia ka jingiakob dro dur, ha kaba ka Kong Emily lawphniaw na Rangthong Christian Higher Secondary School ka la ioh ia ka nam jingialehka kaba nyngkong. Ka Kong Baiakmenlang Thongni, na kajuh ka skul, ka la ioh ia ka nam kaba ar, katba ka Kong Balawanshwa Syiemlieh na Umpholiew Jingtup Lower Primary & Upper Primary School ka la ioh ia ka nam kaba lai.

Ka program ka la kut da ka jingthung dieng paidbah kum ka dak jong ka jingangnud ban pynneh pynsah ia ka mariang bad ban tei ia ka lawei kaba khuid bad kaba jyrngam na ka bynta ki pateng ban wan.

# Ka sorkar ka dei ban khmih bniha shwa ban pyntreikam ia ka ILP bad MRSSA ha ka jylla : A L Hek

Shillong, Jylliew 11 : U Nongialam ka BJP bad MLA ka Pynthorukhrah Bah AL Hek ha ka Sngi Balang ula kyntu ia ka Sorkar Jylla ba kam pynlong ia ka jingkhmih bniha ia kaei kaba lah ban leh bad ka bym lah ban leh hashuwa ban pyntri kam ia

ka Inner Line Permit (ILP) bad ka Meghalaya Residents Safety and Security Act (MRSSA) ha Jylla.

Kat kum ka jingong jong u, kano kano ka aiñ ka dei ban pynbiang tarajur ia ka jingmyntoi jong ki nongshong shnong bad kito kiba wankai sha ka Jylla.

Haba kren sha ki nongthoh khubor, u Bah Hek ula ong ba ka jingphaikhmat ka dei ban long halor kaei “kaba lah ban leh” bad ki jingmyntoi ia baroh ki kynhun bapher bapher.

“Haba iadei bad ka ILP bad MRSSA. Nga kyrpad ia ka Sorkar Meghalaya bad ki paidbah ka Jylla ba haba ngi kwah ban pyntreikam ia ka ILP lane MRSSA ha Meghalaya, nyngkong ngi dei ban khmih ia kaei kaba lah ban leh. Kaei kaba lah ba ngin leh bad kaei kaba ngim lah ban leh” ula ong.

Ula bynrap ba ka jingpyrkhat ba nyngkong eh ka dei ban long ia ka bha ka miat jong ki paid nongshong shnong ka Jylla, haba pyrkhat ruh ia ki brieve ban nabar, khamtam ki nongingohkai.

“Kumta, ka bynta kaba lah ban leh ka dei ban long ka jingmyntoi ia baroh ki brieve, ym tang ia ki nongshong shnong ka Meghalaya. Nyngkong ngi hap ban khmih ia ka jingmyntoi jong ki paidbah ka Jylla bad ruh, ngi hap ban khmih ia ka jingshngaiñ bad jingmyntoi jong ki brieve kiba wan sha Jylla khamtam ki nongingohkai” ula ong.

Haba kylli ia ka lynti ba shakhmat, u Bah Hek ula kyntu ban pynlong ia ka jingwad bniha kaba janai bha ban pynthikna ba kano kano ka aiñ kam dei ban ktah ia ki nongshong shong ba rit paid ka Jylla lane pyrrkhang ia ki nongwankai.

# Ha ka jingpynkylla kaba heh, pynbna ka Sorkar ban pyniar ia ka iew G-Sec bad ban pynsuk ia ka FPI

Ha ka jingidei bad ka jingangnud jong ka Sorkar ban pynkhilaiñ ia ka kyrdan jong ka India kum ka jaka bei tyngka ba kongsan ha ka pyrthei bad ban pyniar ia ka iew pisa, ka Tnad Kam Pla Tyngka ka la shim ia ki sienjam kiba thmu ban kyntiew ia ka jingsuk ban bei tyngka na ka bynta ki brieve Persons Resident Outside India (PROI) bad ki Foreign Portfolio Investor (FPI), bad ban khring ka jingwan ka pisa nabar ri.

Da kaba tei halor ki sienjam ba dang shen ban kyntiew ia ka jingsuk ban leh ia ki kam ha ki iew pisa, ka Sorkar ka la shim ia ki jingpynkylla shuh shuh ban pynlong ia ka jingbei tyngka nabar ri ha ki equity bad ki G-Secs kaba kham suk ban ioh, kaba kham sted, bad kaba lah ban iakhun ha ka pyrthei.

Ka jingpyllait ia ka jingbei tyngka da ki brieve kiba sah shabar ka ri India hapoh ka Foreign Exchange Management (Non-Debt Instrument) Rules, 2019

Ka Myntri kam pla tyngka jong ka sorkar pdeng bad ki kam kompani ka la

pynbna ha ka mang tyngka jong ka sorkar pdeng FY2026-27 ba yn shah ia ki brieve kiba sah shabar jong ka ri India (PROI) ban bei tyngka ha ki equity jong ki kompani jong ka India lyngba ka Portfolio Investment Scheme kaba haduh mynta ka long kaba lah ban ioh tang da ki NRI/CIO; bad yn kyntiew ia u pud jong ka jingbei tyngka na ka bynta ki jingpynkylla shuh shuh ban pynlong ia ka jingbei tyngka nabar ri ha ki equity bad ki G-Secs kaba kham suk ban ioh, kaba kham sted, bad kaba lah ban iakhun ha ka pyrthei.

Kane kan kyrshan ruh ia ki jingpynbna kan pynsuk ia ka jingpynndonkam kaba kham sted ia ka pisa nabar ri da kaba jingpynndonkam ia ki rukom iashim bynta kiba la don lypa na ka bynta ki nongbei tyngka NRI/OCI.

Ka jingpynsuk ia ka jingiaishim bynta bad ka



jingpynnduna ia ki jingdonkam ban bud ryntih kan kyntiew shuh shuh ia ka jingsuk ban sdang ia ka kam, katba ka khring ia ka nongrim kaba kham iar jong ki nongbei tyngka shimet nabar ri kiba kham skhem. Kane kan kyrshan ruh ia ki jingpynbna kan pynsuk ia ka jingpynndonkam kaba kham sted ia ka pisa nabar ri sha ki iew jong ka ri India.

Ka jingpeit bniha ia ka rukom pyniaid ia ka jingbei tyngka FPI ha ki security jong ka Sorkar

bynta jong ki FPI ha ka G-Sec, ka Sorkar ka la rai ban pyniar ia ka thup jong ki security hapoh ka Fully Accessible Route (FAR) ban kynthup ruh ia ki jingpynmih thymmai ha ki security jong ka Sorkar kiba 15, 30 bad 40 snem kumjuh ruh ki Sovereign Green Bonds (SGrB) ha ki por jong ki security FAR. Shuh shuh, ha kaba iadei bad ki jingbei tyngka jong ka FPI hapoh ka General Route, la rai ban weng noh ia ki lai tylli ki jingpyrkhang, kata. U pud jingbei tyngka kiba

lyngkot samoi, ka concentration limit bad u pud katkum ki security na ka bynta ki jingbei tyngka da ki Foreign Portfolio Investor (FPI) ha ki security jong ka Sorkar, katba dang bat ia u pud jong ka jingbei tyngka baroh kawei kaba long 6 percent na ka stock ba dang sah jong ki jingthew jong ka Sorkar Pdeng bad 2 percent jong ki State Government securities (SGS). Ki bynta ba rit jong ki pud jingbei tyngka, kata, “general” and “long-term” ruh yn pyniasoh lang ha kawei ka pud na ka bynta ka jingbei tyngka ha ki security jong ka Sorkar bad ki SGS, kawei hadien kawei pat.

Kine ki sienjam kin iarap ha kaba kyntiew ia ka jingmih kaba iaid beit, bad khring ia ka jingwan rung kaba skhem kaba ryntih jong ka pisa bar ri kaba jrong samoi, kaba iaishah, kynthup ia ki nongbei tyngka kiba jrong samoi kum ki pisa penshon, ki kompani insurance, bad ki sovereign wealth fund. La khmih lynti ruh ba kane kan

kyntiew ia ka jingwan ka pisa nabar ri na ka bynta ka ri.

Pyllait ia ka sut bad ki jingmih na ka pisa ha ki G-Sec na ka khajna Da kaba ithuh ia ka jingdonkam jong ka rukom lum khajna kaba lah ban iakhun ha kaba khring ia ka pisa pyrthei, ka Sorkar ka la rai ban pynbeit ryntih ia ka rukom kheiñ khajna kaba iadei bad ki jingbei tyngka da ki FPI ha ki Security jong ka Sorkar, da kaba pyllait ia kum kine ki jingbei tyngka na ka income tax halor kano kano ka sut ne ka jingiohngong. Kane ka sienjam kan pyniahap ia ka jingsiew khajna ia ki G-Sec bad kiwei kiwei ki jaka treikam ba iasyriem.

Ka jingpyllait kan treikam naduh ka 01.04.2026, kata, ka jingpyllait kan treikam ia kano kano ka sut lane ka jingiohngong kaba mih na ki FPI ha ka 01.04.2026 lane hadien ha kaba iadei bad ki jingbei tyngka ha ki G-Secs.

Ka jingpyllait na ka income tax kaba kum kane la pynbiang ruh na ka bynta ki Bank for International

Settlement (BIS) na ka bynta kano kano ka sut ne ka jingiohngong na ka jingbei tyngka jong ka ha ki G-Secs.

Kane kan pynthikna ia ka jingwan rung kaba ryntih kaba skhem jong ka pisa bar ri kaba neh, kaba iaishah bad ki nongbei tyngka kiba slem kum ki pisa penshon, ki kompani insurance, bad ki Sovereign wealth fund (SWF).

Lada shimlang, kine ki jingpynkylla ki thmu ban pynnduna ia ki jingeh ha ka jingtreikam, kane jingbei tyngka na ka bynta ki equity jong ka India bad ki Security jong ka Sorkar bad pynshlur ia ka jingiaishim bynta kaba kham iar na ki nongbei tyngka jong ka pyrthei kiba kwah ban iashim bynta ia kawei na ki ri ba beh jong ka pyrthei kaba kiew stet bha ha ka ioh ka kot.